

# NÒVAS D'APRENE

Nòvaleta de l'establiment d'ensenhament superior APRENE – n°4 – març/abril de 2016

---



## Cap a far de regent(a) a Calandreta? Dintrar en formacion a l'establiment APRENE

Las inscripcions a la JURADA 2016 son dubèrtas dempuèi lo 7 de març e fins al 29 de mai.

En seguir [lo ligam](#) poiretz accedir a la procedura per se marcar, a mai las informacions per s'aprestar e lo debanament de las espròvas.

---



## «Soi a Calandreta, sèm movement»

Del 4 al 7 de mai se debanarà lo 29en congrès del movement Calandreta a Quilhan dins Aude.

Talhièrs\*, escambis, conferéncias,... ritmaràn aquel moment fòrt del movement qu'aurà per tèma : Associats per far movement.

Per mai d'entresenhas podètz anar pescar lo programa sul sit de la Confederacion.

*\*5 talhièrs seràn prepausats : Calandrons, ciutadans de deman – Primari / segondari : la continuitat – Dins lo projècte Calandreta, la plaça de cadun e cadun a una plaça – S'organizar per grandir. Calandreta, arquitàcta de son expandiment – Sens movement, pas de Calandretas.*

---



## 6èn Collòqui de l'ISLRF

Dempuèi 2003, l'I.S.L.R.F. organiza una seria de collòquis consacrats a las cèrcas actualas a prepaus de l'immersion linguistica, de las practicas pedagogicas e de l'interculturalitat.

Ongan es La Bressola que prepausèt, per sos 40 ans, un collòqui intitulat

*La immersió supera la quarantena : Mètodes, practiques i raons del bilingüisme per immersió.*

Lo sector cèrca d'Aprens e foguèt a l'onor amb plan de comunicacions de la part de membres del conselh scientific e de regents.

Per ne saupre mai cap al contengut e visionar lo reportatge fòtos, es [aici](#) !

Los actes seràn lèu publicats sul sit de l'ISLRF.

Podètz ja notar que lo congrès venent se debanarà en Bretanha al mes de març de 2018.

---

---

# Formacion Continua

## Formacion continua

L'establiment APRENE e lo CFPO son a bastir lo programa de formacion continua dels regents de Calandreta per l'annada escola 2016-2017.

Aquel programa es lo fruch dels projectes prepausats pels regents, los paissèls-ajudaires e las federacions regionalas.

Serà validat per l'Amassada Generala del CFPO e publicat al mes de julh.

Per ne saupre mai sus la formacion continua podètz consultar lo sit del [CFPO](#).

---

**ISLRF**  
INSTITUT SUPÉRIEUR DES LANGUES  
DE LA RÉPUBLIQUE FRANÇAISE



## Dobertura del sit internet de l'ISLRF

Un sit novèl per la pedagogia de l'immersion lingüistica precòça : [islrf.org](http://islrf.org)

L'Institut Superior de las Lengas de la Republica Francesa foguèt creat en 1996 a Besièrs par las federacions d'escòlas d'ensenhament en lengas regionalas per metre en comun de mejans e prepausar de percorses parallèls de formacion iniciala dels regents en basc, catalan, breton, occitan, alsacian e lenga de Mosèla.

Las formacions son decentralizadas dins los sites regionals : CFP Seaska, CFP-Catalan, KELENN, APRENE, CFP USBELDUNG.